

溫州府圖書館

溫州府圖書館藏

安般移集目錄

詩續丁

春日戲書

苔上榆垣三兄

同縣方古香丈年八十寄詩爲壽

人日蒿隱居士家夜集

一自

鍊心訣

晦日

虛名

送王壬秋南歸

昨夜小集酒家意有所感賦呈仲弢

潘楊二老歌

潘先生存文昌人楊先生長年江甯人

懷鼎父山中

夜歸

寄鼎父

春雪微霽偕蒿隱小山子培仲弢陪李學士讌集天

甯寺

何祠曹南充人夜同宿省中談歷代果州人物欣然

有作

懷仲修

新會包大令招主景賢書院予久滯都下思南游一
謁南皮師于越臺牽於吏役未能決去走筆作詩寄
君立仁弟

懷均父時佐治決河在沛南

籬成

雨蒼復往盤山別業

次韻丁松生徵君和厲樊榭杭之龍興寺唐開成二

年石幢詩

尊客遣妾戲作小詩調之

詠劉越石

出游

北地見杜鵑花

三月晦日獨遊東園折海棠一枝寘餅水中口占一

絕

花落後

幽居戲作一首

趙新又太守六十初度寄詩爲壽

喜湛侯復來京師相見話舊悵然有贈

予與勉甫同爲主客署掾今年君六十矣於其初度

作小詩以侑觴

前詩意殊未盡隱憂時事又有不能顯言者復書二絕

小園

觀園中草木

雨後欣然短述

送洪文卿閣學奉使俄德諸國

卽事漫題四絕

揆不倒翁

余秋曹是我圖

吏舍阻雨不得歸郊西草堂戲同亞陶君實作二首

懷先塋

晚起簡老湛

不寐

送湛侯蕭寺已行矣寺中有一偃蓋松狀絕奇僧言數百年物也作一詩

題伯蘭宗室秋鐙課子圖

送黎蓴齋重使日本三首

臯禽一首贈子培

夜中讀北魏書

偶成

自八月十三日河決鄭州奪賈魯河南流

詔書頻繁出帑振災振敕在事臣工堵塞漫口敬述一首

尊客病起戲調以詩

觀融齋老人所作草隸

夜集

初入會典館口占一首

錢唐王郡丞屬題篝燈課子圖

觀蠶池口舊胡神祠中所藏鳥獸蟲豸數百具胡巫以藥絮裝漬毛骨未腐植立如生亦異觀也戲綴以

詩

又咏風琴

前侍郎瑞安黃丈示所作古詩兩章行氣雄直丈忠鯁之概觸境流露後世文士讀公集者覘公內養之所存當增長剛氣敬題長句奉呈

黃丈作金匱馬烈女詩借題發抒刺時寓憤不僅爲爲烈女言之也孫太僕許仙坪兩丈皆有和作影搖勁折危然有傷世之意太僕丈解官後年垂八十優游田里不見十餘年矣鄉關耆舊之思不能已於言也作詩用黃丈均以爲撫掌之資云爾光緒丁亥仲

冬月十又四日夜書

次韻孫太僕丈登茶山口占四十字付寺僧刻之石
上

次韻至賈村看梅

次韻黃侍郎餉泉物

易實甫改官。坂中口占贈行聊發一笑

中舍吳君一日見其狂歌燕市旁若無人戲贈

夜與子川吏部入東華門

直房小睡聞茶沸聲

重次韻

再贈實甫

寄均甫沛南

尊老生日

潮四團

夢游富春山中訪紫閣隱者作

安般箴集

詩續丁

芳郭鈍姿

春日戲書

丁亥

園吏漸成充隱局，慵參擬乞時休告。
年過四十道未聞，且假陳編資引導。
嘯詠誰家竹滿園，嬾跚偶出花敲帽。
客云祿命由人爲，胡不獵取牂生奧。
荅云君毋落吾事，靈臺勿受萬物盜。
班嗣王績吾師乎，數卷牀頭易兼老。
借問悠悠身後名，那及當時一杯好。

荅上榆垣三兄

祿不逮親存，撼柯風不甯。
羈宦老于北，佳節悽獨醒。
百口

雖相逐焉知弱年情尙憐
王父宗遺書抱頽楹系屬良
未疎兩弟上有兄雖各治生業燕越肝膽并昨朝南鴻來
示我田里行我宅睦親巷徑荒蓬翳甍兄樓枕蒼江盡日
漁舟橫窗岫浮修眉泉虹萬巖縈十里遇叢竹五里山花
明倒涵蒼江影瑩人心魂清豈知京洛塵簿領困期程歸
與重歸與醉臥東皋豐

芳郭

地名袁氏世居之

不二里

復初公墓田諸孫謁元日渡江

梓墳年

先世舊儀家長率子姪元日展墓

左蟠九松

山名

鬣右拍桐君肩

不肖獨遠客心愧諸兄賢戴山
先丙舍煩九弟掃蠲生

事葬祭闕三罪孰吾湔從弟代兄薦念之時顛眩我性癖

墳籍又耽邱壑緣欲刊浮利名世語盡屏捐中恐憂傷生
栖心養空平卻望後子孫康莊六經便吾欲外其身觀此
芭蕉堅以官爲苓勃假藝作蹄荃惟餘志 親志耿耿未
敢遷 先君志伊何曰金石可穿經世治國病出世抱天
全百墮不一修我涕潛潛然

萬山蟠蛟龍迴穴潭洞幽物氣有金寶人文獨溝脊棘下
之所見吾鄉不知求江表之所聞里耳寒颼颼 先公欲

廣之求友耆蒼收東京范與鄭欲訪中摧輶誰爲起劉蛻

劉復愚

桐廬人破此荒榛邱劓雲出奇石伐翳導清流一還山川

妍再洗茅篁愁笑我筋力衰先業諒難訓此事付後來子

孫勤揮袖勿留千年恨勿貽山石羞我但謀斗酒與兄泛
扁舟沿洄蒼江勝何事海嶽游飢食北谷稻倦臥西溪樓
何知千載名白雲幻悠悠

同縣方古香丈年八十寄詩爲壽

奚止當年飲食恩造門父黨晚逾尊神藏大谷觀羣化氣
壓崩濤養一源課子肄書黃榭社勸農扶杖白雲村篋中
一卷兵家祕老去雄淵孰與論

道光庚子辛丑閒定海之
變丈曾上書浙帥汶上劉

公陳
兵事

人日蒿隱居士家夜集

會者六人尊客子培小
山仲弢主人及不佞也

微月風林梢華燈酒人社一堂集眾妙卮語碎金寫主人

治曲臺噫古斥拮擗壁張遼經幢筆仗靈芝亞東蠡有逸

筆隸勢潔而雅

挂壁有高君心夔隸

衰遲覲令節薜茈追林下

今夕消寒

五集原訂七人徐簡討不至

擇術雖異流性韻諒同治執戟疲鞅掌岸

巾便疏野庭披早花紅燭檢繡池炮擾擾京洛塵冥冥孤

往者各含日新志入林臂同把

一自

一自西郊數月眠景含村落頗蕭然古陂高下深林夜玉

磬一聲敲枕穿

鍊心訣

千峯頂上危利懸崖風篁成韻冰壑砵雷十年面壁獨立

無耦左右蒼官若古師友亦參老佛野鼠銜髭齋心攝魅
垂足然犀動無陵節靜不枯病動靜交養以復厥性室無
侍者微聞清鐘潭沈玉冊行雨呼龍青天雨過忽見明月
洞林谿訝細鑑毛髮持照下方雲翳煙昏萬象清夷各還
本根

晦日

晦日懷辰客

尊客自云以辰日生其家沿六朝人寄養之稱呼之後乃更上一字風流似卯

君遙知箋老子一穗炷黃雲

虛名

虛名終自誤疲病好收身無月愛清夜未花招遠春堞浮

雲細細林豁水鱗鱗不值澆訛俗那成梅子真

送王壬秋南歸

邊符中祕罕兼長君獨能兼向與湯指畫雪山連北戎夢
攜丹器侍西行來遊氣欲消疵癘往事真難算海桑一鶴
翩然遂南翥客星更去照何方

昨夜小集酒家意有所感賦呈仲弢

水閱前賢逝不留存遭按劍壁空投離筵箭有東南美濁
世金看日夜流豈少長弓射青海

座客談西僧棍
噶紫拉參戰事終令弊

麓臥丹邱花前判倒荔支綠萬感人間醉卽休

潘楊二老歌

潘先生存文昌人楊
先生長年江甯人

何者爲景星嶺南潘孺初何者爲焦明朴庵楊子如古心
涵炯炯道論出徐徐龐公洲上耕瞿硎松下廬見則天下
穰民物登几蘧懷哉二老賢人物康熙餘生不事

景陵光燭閭浮淤我欲往從之德心我獵漁歡言奉卮酒
氣和春景舒不知是何世花益茅欄除

懷鼎父山中

感君忠孝性黯淡不知春言從雪霏別俄及花開晨節行
我久惰詩書浩難陳苦負平生期不免爲凡民僑恹未剗
除識路旋迷津小悟電一瞥恐復墮昏塵端賴慎獨力淬
礪蒔天真息息勤曠養冥冥抱孤齋名根竅浮豔佳實斂

枯筠高藝捐曹嗜冲襟勁無鄰苟隨世好遷九流無孟荀
當其雕炙沸目笑斥羣倫毀譽久乃定自信後當伸山中
何所有日與麇麇羣白雲爲枕屏溪水鏗韶鈞不知山中
夕景光能日新我無藥石資何用爪兼鱗

夜歸

東林疎鐘動乃自西林迴背郭多名藍陳迹遼金灰風流
竹垞宅今亦安在哉卜與灌畦鄰長鑿歸去來

寄鼎父

越客垂垂老燕嵐樹樹皴冥濛幾重霧蕭瑟兩孤雲謫去
江湖樂憂來民物瘞滔滔厄日漏不獨念離羣

春雪微霽偕蒿隱小山子培仲弢陪李學士讌集天

甯寺

浮世雲海幻刹宇兀然存層邱雖數仞孤聳削昆侖縱橫
赤華舍罽畫蒼石根逸興集羣彥令德出高言劇談雲泉
涌眾壑湊一源漠漠霧猶瀆西山嵐氣昏銀粟鋪平田孤
煙表遠村塔光漏日腳雕勢投松門竹偃殘雪潤亭虛暝
雲吞夕策酒人散追摹清景捫歸來天宇豁華月滿前軒
何祠曹南充人夜同宿省中談歷代果州人物欣然
有作
與君同作沈冥吏見說南充意更平共掬空庭菱藻影喜

參石室鉢盂緣鸞箋修史陳承祚翠袖凌風謝自然何似
湛冥蜀嚴好卜塵飲水自能仙

懷仲修

陌頭花發每思公心與春流盡日東文範猶爲萬家長漫
郎今隱一壺中殺青聞竟三千牘君文集都寫定校刻裁竟縛竹思尋
五百弓便欲與君投劾去西谿水暖戲鳧翁

新會包大令招主景賢書院子久滯都下思南游一
謁南皮師于越臺牽於吏役未能決去走筆作詩寄
君立仁弟

昏昏閉寘日下鵠不使一舉識天地之園方丹沙久欲採

句漏洗我洞壑槎牙腸吾師持節督桂海一柱巖峩天南

疆威名幾歲聳草木聲教久已鉤遐荒包咸受指走書幣

邀我席暝名山藏白沙老人迹已往霽月照耀枕椰鄉當

時容經擬鄒嶧偶爾薦辟臆邢彭祭酒邢讓布政使彭韶實薦文恭于朝碎

金緒論耿猶在餘興逸筆神龍翔子嘗見陳文恭大草詩牌子長安市中勁逸冲

融一見如坐陽春臺中負劍語履迹如此何況張李之徒

日侍親顏行張詡李承箕灑然脫落文字外八儒三墨真秕糠

時危若使異人出亦能簫勺疵癘迴天光嗟予廢學久柴

腹安取疥壁前徽堂敢云學道堅嚮往但畏挾筴嗤亡羊

君立湛深癖油素勃窳理窟承義方如堯夫侍范魏國佐

畫尉候夷陸梁濟時兼攬阮文林文忠軌張喻金鑽探珠囊
昶也縱與侏儒飢守玉桂國願覩弧矢垂寒芒冥鴻南飛
雖不得達千山千水雲蒼蒼待看驅除氛翳埽寥廓尙有
健筆能賦吾師功成身遂平泉莊

懷均甫時佐治決河在沛南

施子文章倚豪橫近聞河上督櫂薪別來春月已三穀醉
後新篇時一鱗累璽曾親績西域射蛟今更攬東秦鵲華
好景憑囊取飴我監門酒幾巡

籬成

一院枝交萸凌亂晚松色自從作籬界破茶煙直

自搖風嫋嫋斜貼月疎疎不隔西林響時時聞木魚

雨蒼復往盤山別業

借問盤中樂新居幾日成壁松穿檻出礪水入廚鳴靜氣
木夔攝佛光山鳥驚夷然香節熟野老席無爭

次韻丁松生徵君和厲樊榭杭之龍興寺唐開成二

年石幢詩

西城刹遠塵游屨曩曾踏東城樊榭栖披記可數闔百六
十餘春劫火秦灰雜人往詩石存徵君耆螺蛤光騰陀羅
幢梁刹雲煙納榜題名屢漫彈指電空欲遺民漸蠶房影
枕夕陽塢湖上釣師歸歌呼酒人合十寶佛髻空市衲衝

雨還誰來尋勝幢今隸辨周而癖者厲與丁前後洗氈榻
知鏤石經年追縛文宗臘雖遜吉金古幸逃長繩拉詩石
兩俱壽淨因傳昫衲歸哉訂同參爛漫米汁榼

尊客遣妾戲作小詩調之

樂天春日放楊枝自起研朱點楚詞綠鬢信非娛老物蕭
齋相伴有山梔

柳半黃時絮已飛送春春逐小蠻歸向來綺語憑刪薤坐
守黃庭長帶圍

道人天眼淨繁華肯逐城東俠少車天老幾曾教素女嬰
兒戲遣煉黃芽

詠劉越石

晉陽笳吹陣如雲
忼慨登壇國士聞
誰識石家金谷裏
等閒曾醉石榴裙

出游

髡柳微微弄翠妖
桃的的含朱巷北坊
南春早東風綠到
蘼蕪

北地見杜鵑花

吾鄉躑躅賤爛漫
紅滿谷樵者曾勿顧
搖風誰采掬北地
花一叢深色直兼金
根移一片木蒼玉
含煙鑱入朱門深
定窰花藝施錦幃
佳人愛護未肯簪
遭時貴賤有如此朝

出瘴鄉暮珂里乃知豐沛功臣甲第高初亦材堪廝養耳
三月晦日獨遊東園折海棠一枝寘餅水中口占一

絕

幸無風雨損年華自汲清泉養折花欲繫餘春游物外相
要避世玉皇家

花落後

閱久繁華無據翻憐綠葉清陰照我研朱解老移情不待
眠琴

幽居戲作一首

幽居事業猶媿負朝出歸來常日曛交花迴看鬪那尹新

言類
竹數到幾仍雲小池新穿林影碎宿羽乍起窗光分江鄉
所知若相問篤喜種果報書云

趙新又太守六十初度寄詩爲壽

郡將古之狷湛思喜孤縱九流恣擣斥三史常聞誦藏身
軍器監俯仰淡言中官書如束筍下筆掃枯葑面如古松
皴髮作禿鶴種鍛非嵇生床汲類丈人甕時呼老兵語出
挾跛奚共龍鍾或相嘲槃散不驚眾豈知公壯日豪健箭
飛鞞逐賊河淮閒露布讐梁宋朝馳百檄怒風籜撥羣幟
暮作千詩雄鯨鏗殷壘空雲蹲兵氣慄日落禽聲恐急裝
壓鞞刀渴酒飲馬湏陰符動見詔揖客行臺重功成拂衣

歸湖上尋春夢麤其屠龍技翻作瑯蟲用試輒冠千人賦
成吐一鳳桑根老詞伯壇坫方平閩東南弟子籍君來顏
色空湖舳荷花鮮山轎嵐翠擁登臨捫高蘿吹瀉瞰懸淙
醉歌誰先成妙語雜諧諷大府禮致之摘髭旋鄉貢墨義
徒相困黃肩乃虛控溫溫聊試吏事變迭礪礪耽予思愈
揮閱世鑿乃洞前年喜見君媿挾寸莛撞大句頻枉誚霽
色捲氛雩子才猶盛年老學資折衷箋姚碎金出癖左千
絲總君爲古文辭類纂作箋注此書將來流傳殆與蕭選
相角君注卽曹憲李善也君又著左氏內傳質疑
於時推武庫應取作宗棟易州涵美政樂職徐作頌大郡
待發硯蕭然屏張供公平著作材應參石渠從老屋憶花

南書倉斥餘俸名心刊已淨耆古乃彌犴童顏老復丁名
理釋冰凍願奏鶴南飛不辭腰笛弄

喜湛侯復來京師相見話舊悵然有贈

何處論心地南譙黃葉村幾年離合輓垂老入修門君隱
青油幕飄搖江海樽流年迫霜髭豪健筆猶存我飽一囊
粟陰符倦披繙苦思三畝宅重閉煙嵐昏世機久厭觸六
鑿讎道根今朝一放懷故人笑顏溫尙憶化書譚謂仲修疲
鶴欲辭軒何時併一處雄談角幢旛濩落不足羞文詞百
車屯所惜平生期六翮困籬樊心如孤月光炯照濁水源
晚餘聞道志世法破蝨禪相期慰夙抱陵厲念彌敦

孤蘭空山中幽人相媚好物微有相感不隔千里道移之
朱門益顏色日枯燥古劍青黯黯佩之金石保願得一心
人光芒拭西顥丈夫運有窮所遇常草草時來侏儒奮時
去賢聖槁但恨歲月邁勵志苦不早南山有勁木蹊絕斤
斧討雲臥丹邱深千歲養合抱不恤一時譽天風吹浩浩
漆女多苦心志士多苦吟地迴短舞窄氣挾長溟深攬君
千首詩名理善鉤沈繭足入黔蜀高言寫登臨興微含眾
妙酒熟成孤斟清駛秋石瀨渺綿春江潯詩境差擬之亦
足撞堅金

皇路將清夷宏詞試璆琳身榮未爲晚璇瑟待知音顯晦

固有時無爲歎盈襟

予與勉甫同爲主客署掾今年君六十矣於其初度

作小詩以侑觴

掾曹接迹府中趨局束枝官自厭麤賴有兩忘身世者蕭

然齊物等榮枯

閱世金門四十年

澁園舊夢付雲煙

朗亭沈文忠公寓直澄懷園招君典

校文字下榻園中最久

微文諧笑工爲隱曾習光豐諸老先

早歲論文沈邵

位西丈

追壯游大府典文移元都朝士莫相

笑草檄飛書挾二奇

閣吏相隨隱五雲

前同官內閣

語蠻又逐作參軍他年卜築招

君隱水竹一栖割半分

工爲章奏弱豪強老佩金魚漫作郎剖竹明朝監海國雄
文鞭鰐等驅羊

委沙搏翼帝京篇彈指飛沈角醜妍人海智深誰得似步
兵以酒養天全

東園簿領如山積敗葉資君刀發劓吏散鑪薰觀一炷未
妨危坐學黃庭

南池荷芰一時新長憶湖樓合野筠龍井茶甘虎爪笋壽
君鄉味最宜人

前詩意未盡隱憂時事又有不能顯言者復書一絕

漢文有道吏生孫北頓南佗銜轡存柔靜似聞師苦縣與
君佐吏憺無言

平生學豈適俗資陽瘖終覺負清時竟爾庭前參栢子偉
長中論倘吾師

小園

世緣激宕似機春日夜攻吾礫砢胸誰築心城高帖帖自
張天樂意溶溶籬瓜蔓弱頻支架岸蓼莖肥待作筇一雨
小園堪百市槿花紅似木芙蓉

觀園中草木

朝茵鬪嫣紅自榮還自落瓠花如靜女寒斂縞袖薄女蘿

蔓青松脆物貞標託有如巖栖姿俯被塵爵縛澀桃如苦
李幸免鑽核虐餘蔭蘇陪臺暑夕風露約棠梨果瓊細得
雨青的鑠蟲鳥欣資糧穿孔恣鑽嚼瓜如懸石乳藤上高
林絡吾亦營一飽羹臙良不惡天地大果蔬此語非諧謔
溼陰與浮陽箇中消息著吾欲參究竟金商掃秋穽物生
與俱生眞觀謝止泊南牆老竹笑方解紫粉籜虛己吾獨
存長年秀籬落詭哉觀物篇聊作朝飢藥

雨後欣然短述

泫林雨初闌穿雲電俄寂暗蟲稍緣階疲馬方仰櫪幢幢
竹遮燈獵獵薜衣壁倨堂偶讀書佳處供一摘惜無堂下

客糟魄相諷激時有涼風來空簷墜殘滴

送洪文卿閣學奉使俄德諸國

詔持龍節度西溟又捧

天書問北庭

神禹久思窮亥步孔融真遣案丁零遙知汎極雙旌駐應
見神州一髮青直待車書通絕徼歸來扈蹕禪亭亭

聲華籍籍侍中居清切承明出入廬早擅多聞箋豹鼠親

圖異物到邛虛工名幾勒黃龍艦

德廠督造鍊艦

國語新銜赤雀

書爭識威儀迎漢使吹螺伐鼓出穹閭

竹枝異域詞重譜

尤悔庵有外國竹枝詞君之鄉先輩也

敕勒風吹草又低

候館花開赤瓔珞周廬瓦覆碧流黎異魚飛出天池北神
馬徠從雪嶺西寫入夷堅支乙志殺青他日試標題
不嫌敝我鳳池頭潭思珠鈐佐

廟謀 敕賜重臣雙白璧圖開生絹九瀛洲茯苓賦有林
牙誦苜蓿花隨驛使稠接伴中朝人第一君家景伯舊風
流

卽事漫題四絕

東臈作

蕭然一畝竹蕪蕨無人治略似柱下史沈冥我所師
土山青幾仞遠樹望皆圓偶來高樹下風曳一聲蟬
連雨苔蘚合今朝一放晴伽藍塔燈出草樹稚青生

言續丁
雲餘巒光奇石簇苔錦麗涼籟靜中生遙空入秋霽

戲題撲不倒翁

是翁造請應不妄榮辱都將物論齊誰謂眼前行路窄充
然試隱一丸泥

腳工踣地腹能空俯仰俳諧一笑中祇以滑稽全汝壽卻
防手滑到兒童

余秋曹是我圖

性不諧時著惡圓翹生風味可延年戲將我見消人見豈
但形全定德全爲吏身猶白雲隱築堂坊以碧雞傳何如
蟬蛻泥汗去飲啄金華小洞天

吏舍阻雨不得歸郊西草堂戲同亞陶君實作二首
荒園積雨欲沈山巖氣全青石髮斑細水匯鳴琴澗澗枯
池新漲碧潺潺折腰竹似枝官懶署尾文應敗葉刪笑約
俞兄喚徐丈杯湖同泛芥舟還

危亭搢笠院藏山空腹楸花臥石斑不待鳥呼泥滑滑微
吟簾捲雨潺潺林衣蟲鏤先子脫詩穴狐搜待子刪卻似
灤東留瘦杜柑園不遣筭鞵還

懷先塋敬賦一章

戴生柑酒流連處西日川明一谷霞貞石未龔封馬鬣梵
宮環峙問牛車養親不泊悲三釜營葬何須寘萬家誰

識黃公廬誦意吏能無狀一長嗟

平生雅慕黃忠端公歸隱石養山聚徒講學事

第賤性疏倪久不能決
浮沈曹署非其好也

晚起簡老湛

朝暎射庭樹窗光眩黃綠鳥哢去復來
鑪煙斷還續忽念鄭老同襟期睡起
蹉然遲芳躅飄零江海各安之卻憶尋
春蕭寺時早期其灌黃精圃誰識相逢
丹稜陂清淺玉河橋畔水殷勤來照鬢
如絲

不寐

四十又過二未博專城居橫陳困朱墨
舊業廢蟲魚更較

秋光薄

宋人詩秋光都似宦情薄

全慳野興疏行藏徒四壁蟲語正愁

予

送湛侯蕭寺已行矣寺中有一偃蓋松狀絕奇僧言
數百年物也爲作一詩

遠別難爲顏昨暮與君期我來君已去去之沅湘湄

君改官湖

南

入門風吹衣爛然花照籬孤松白日臥龍髯驚下垂中

宵挾雷雨奔湊百靈馳興亡閱金元蒼官羅羣兒元鶴久
不來微微玉笙吹宛如強項吏偃蹇而倔奇國門此再別
軒車來何時賴此碧樹色猶留爾姿儀徘徊重徘徊塞我
路歧思

伯蘭宗室屬題秋燈課子圖

國初讓王風翼戴儲禎基

禮烈親王諱代善以讓儲成名如吳太伯厥後世有賢王見姚

先生鼐所為禮恭親王諱永恩傳嗚呼天道可知已

異代黃漳浦書之憬然思怡然

松相國

文清公筠

老受叔父咎所以立邊功西招馴番夷孝友

教所先不待出戶知天潢饒賢裔蒸氣生菌芝道存早諭

教六藝勤耘菑燈火漸可親義取城南詩王室方多故國

器時所資為君述其大以為右塾規

送黎蓴齋觀察重使日本三首

黎君憂世不熱和談笑與人殊曰科銜詔重游看浴日浮

梁積氣欲鞭鼉東京祭酒搜苓誼西海波臣入禮羅

歐美諸國

行人皆集于彼俱煩聯屬以通裔夏之情故常為重任

曾宿扶桑花下客傾城士女

迂涪皤

直洲文字源流共物望愉愉眾所歸甚欲津梁移彼俗不
輕凌厲示天威仙官持節三韓遠策士空談五餌非陸賈
歸來獻新語待看鳴玉對天扉

黔南竹箭晚相逢還憶邵亭舊禿翁幻世魚龍生百感頽
流金石仗孤忠隱諧柱下休工我決塞宣房欲付公暫遣

東探日窟去蒼虬夾送艦浮空

君先世蜀人而徙黔
與莫子偲丈有連

皋禽一首贈子培

皋禽之唳精誠徹穹修士閉門危行如銅寒暑不鑠處悴
而豐何以療飢簡冊所叢古今蹟矣言觀其通有時孤往

蕭瑟泓崢大野曠邈霽暘晦明瞻彼西山倚劍削成清秋
平原栖畝稼穡氣何次寥林衣脫晴雲水澄鮮樵牧縱橫
觀萬物之淒緊知予化之所貞歸休乎棲真之廬偃息乎
防意之城野老爭席寵媪不驚宇定止觀天光微明黉睫
雷殷蜃號矢精神將來牖毋爲物撓我懷我友離物屬情
智如元和之老識古書之僞正待夫君之發藥叩予寂而
求聲擺落世語整齊心兵道德之圃爰獵爰耕子擷其實
我餐其英華實相劇功用是程庶期之以炳燭免擿埴而

冥行

夜中讀北魏書

掾省佚辱栖未爲時擯
曠媿頽諍吏節虛荷府公仁
感此檐宇夕寒檠一編陳竊慕高公傳

伯恭高文公

爲郎三十春陋

室惟鹽齏諸子救樵薪
湛冥久不徒超然趣彌新
悟彼北叟詩卑棲養靈真
欣懣情旣混得喪理庶均
尙恥鄉原迹頗懷危論伸
曩賢何所餉法律返諸身
獨坐光罔罔窗虛松月親

偶成

松下微風作籟竹閒殘月窺人政爾曹
溪一卷禮殘觀土三身

自八月十三日河決鄭州奪賈魯河南流

言集
詔書頻繁出帑振災救在事臣工堵塞漫口敬述一首
元代財殫賈魯河忽聞決處奪流過誰驅龍鬼浮空下奈
付蟲沙造物何湛玉祇愁淇竹盡捐金虛費水衡多
聖慈頻撤封椿賜早晚宣房趣奏歌

尊客病起戲調以詩

偶承示疾意充然乍起甯資服散緣知見香留消蕙歎句
文身在鬪蕉堅人閒鸞翻迴中散池上楊枝繫樂天更約
窮探翠微勝試攜竹杖已輕便

觀融齋老人所作草隸

右軍偶作崩雲勢中散本是餐霞人不須演孔刮老佛新

沐無言自寫真

先生臂痛廢書時悟澈南宗妙決疑

先生晚年著論書訣一卷謂北宗鄭道昭

與南宗鶴銘蕭憺并闡諸石同一氣格極有微解

下筆枯中生氣翫萬年藤絡禿

松枝

夜集

月華如水地凝脂妙集時賢把酒卮長令擬翻金縷曲清

歌爲喚木腸兒

座有吳生善謳

樽前綠鬢相看健檻外流雲欲去

遲待買嵩陽吹簫婢應傾北海作碑資

李萼老戲語如此

初入會典館口占一首

蕉萃枝官十五年結銜清切幾揚前忽驚杜老開元日預

校江陵萬厯編

前明萬厯中重修會典江陵張文忠公實董其事事增詞簡勝於宏治十年官修本

掌故久輸鼃令熟官儀誰似衛宏箋祇慚混沌施瑀飾浪

費官餐太府錢

錢唐王郡丞屬題籌鐙課子圖

趙繚者何慈母鍼伊軋者何寒機吟黯黹者何竈不黔青

熒者何燈火深藁砧遠游授兒讀白日短短松明續兒讀

不勤顏不怡暗雨酸風爆雞卜君不見錢唐沈氏女王氏

母茹苦食淡操箕帚勞事不居宛若後羹湯持底報姑恩

冬月常教皸兩手君舅橐筆南海頭客葬羈魂遶藥洲伯

仲請行以故留藁砧最少血淚流桓山之禽毛羽短悲啼

中夜寒颼颼陸衝饒虎津無舟衣履皆穿雪霧愁喉中吳
語粵叟喁閒關負骨歸鄉邱翻身復作嶺南客二十年閒
少書尺別時苦語重丁甯以兒累若傳一經年荒飢掘鼻
苾食使兒舖糜全汝形一男中摧二男弱門戶誰持生事
薄大麥青青小麥枯兒不菑畚那求穫搯拄艱難秋復春
兒勝執爰作王人所天未睹兒成立晚蒙神祐轉悲辛父
兮兒寒母兒飢兒免寒飢今遺誰恨身不如烏返哺長伴
篝燈傍母慈君不聞錢唐高行麗京老遠客丹厓縉絕島
有子零丁名陸寅學成蓬戶春迴槁我亦孤根鍛羽身墓
田丙舍黯傷神輸君輓粟勤王事猶博當年祿泊親

觀蠶池口舊胡神祠中所藏鳥獸蟲豸數百具胡巫
以藥絮裝漬毛骨未腐植立如生亦異觀也戲綴以

詩

祠今歸

奉宸苑

誰遣犁軒與偃師寓真于幻復奚爲巧留化蝶莊生迹欲
費圖魚郭璞辭蝸笑麀兵誰倚角豹驚失霧尙留皮何當
飲器西龕得萬里頭顱漆月支

蕃漢芸生盡控搏不煩捏埭泊雕刊大千人爲物之盜

字書

爲母猴也故借
虛字對實字

十二辰蟲如是觀化腐作奇誠狡獪卽空

求色費譏彈轉輪笑問空王度六道超生一道難

百蟲雅擅將軍號誰得其皮與骨俱有萬不同殊竅妙滿

堂觀者盡盧胡胥疏往日難馴性雄猛何人敢捋鬚試遣
黃初平叱起刀圭一粒出丹壚

當時獵網免充庖此日跳梁不避敖封冊例援雞九錫物
名疏禿兔干豪吳碑侈說銀麇瑞漢雅重將白雉褒爲問
尻加雕俎貴何如尾曳濁泥高

野情妙得無人態卻似崇師擅寫生蠅不畏冰仍鼓翅鷹
如入畫正駢睛飛鳧豈待通銀海異鳥還傳噉鐵精供奉
應催蕭尺木補圖爾雅獻

西清

不調幻藥灑生綃

用荆公題
畫句意

毛羽經年訝未彫望似木雞

真養到潤如石燕總難描鼠肝聊付荒唐喻兔角翻資解

脫嘲疑有千年蛻龍骨好憑風雨致煙霄

胡祠已掃百年塵仙仗還晞

繭館巡望幸倘迴

天一笑登臺復與物皆春亦開犀布珠厓略漢書西域傳贊中語未

害璇機玉燭新能致遠方殊異物一時解角軼材馴

秘殿羣公博物資退朝選勝雅談宜宛懸馬格搜神駿不

待犀燃燭恠奇使者胡柯通大夏

君王按劍問黃支豈徒瓌細科方物蟲略禽經作補遺皇朝

通志有昆蟲草木略補鄭漁仲所未及

又咏風琴

那有頻伽音絕妙祇將傑侏冒琴名略如漢樂翁離壯併
入胡歌敕勒轟竹肉樂中誰識理松風海外亦傳聲曲終
想有天花散兜率宮看下界晴

前侍郎瑞安黃丈垂示所作古詩兩章典贍之中行
氣雄直丈忠鯁之槩觸境流露後世讀公集者藉是
測公內養之所存其激厲頑愞增長剛氣宜如何也
敬題長句

郊西翠波列崢嶸落日往往鐘魚鳴翠微巉秀林表見花
市簇簇千房晴頗疑地僻遠朝市國初逸老廬幽貞丈人

玉立氣高邁，傲宅面勢精。藍橫捎雲勁，木起公意槐。屋表裏愛深，明幾年輜軒。淮海上表微，儒史搜精英。窮經皓首

汪江輩

謂朱竹君實始表章江慎修汪雙池兩先生上其遺書列于祕閣

不遇笥河疇發

籛酒酣多難念，王室赤手憤欲屠。長鯨密疏聞，謀最爲害

驅除左道安，疲眈丈人忠。審信天得利，劍不腐鋤奸。萌還

朝封事，甘左授肝腸。鬱律排霄崢，孔融剛疏汲。黯戇皎日

破霧長空晶，孤生宜爲時。所棄每荷刀，布調飢倉昨。來垂

示兩秋月

杜句兩章對秋月

澡滌六鑿誅三彭，餘姿逸筆出雄句

千巖木脫寒，潭清霜鐘撼。壁鶴孤唳冰，阪九折車雷轟。識

微睹指，感我意。讜議可寢，淮南兵公平。謀解龜紫去，雁宕

武夷筇笠行遮留朝士得依倚耆舊典刑鉞後生嗚呼元
祐初年直臣出鐵漢獨重劉元城公平且擺落世語暫游
物外陶襟情

黃文作金匱馬烈女詩借題發抒刺時寓憤不僅爲
烈女言之也孫太僕許仙坪兩丈皆有和作其詞影
搖勁折危然有傷世之意祖未見烈女傳狀故不復
綴一語獨念諸老意緒忼槩不佞處卑且賤於近事
亦未能忘漆室之憂太僕師自解官後年垂八十優
游田里不見十餘年矣鄉關耆舊之思不能已於言
也作詩用黃文均以爲撫掌之資云爾光緒丁亥仲

詩經下
冬月十又四日夜書

世上高官浪趨走鼎貴當年神已朽黃金橫帶頰輔搖坐
令黠虜發蒙振落嗤枯條孔光胡廣相季孟羞見梁溪女
奇行梁溪大儒顧高不可作餘風所漸尙有烈女能致命
闡幽大筆黃侍郎摹寫義烈神陽陽和者太僕風格老平
生歸方長瓣香兩詩雄深排宕詞不怒筆如神虬盤拏觀
者怖後來賡續豫章許各樹麾幢闢馘路恨無青搖玉上
與三公舟荆公詩恨無瑤玉與公舟舟字虛用本毛詩三公材堪佐
廟謀胡爲百鍊剛坐迫遶指柔精誠排雲叫蒼闔九關煙
霧將誰尤跛腴飛上太山牧肘腋神州奸所伏耳不聞唐

衢賈生哭幾見南北尉候清

皇服徒令波濤入筆託雄詞士氣不伸甯國福忽懷牙曠
演溪濱精舍少年今積薪陸沈短簿髯參裏矯首朱霞天
半人不見公顏見手筆波磔屈強詞清新罷歸望實益清
峻老來肝膽還輪囷欲往求公黃石略卻嫌留滯帝京塵

次韻瑞安孫公登茶山口占四十字付寺僧刻之石

上

不識茶山趣興公竹杖經佛迎人面紫詩斲石龕青欲訪
孤嶼妙重瞻癯鶴形蕭然兩物外朝鼓久忘聽

韓句不踈
曉鼓朝安

眠聽
逢逢

次韻至賈村看梅

棄官身入香雪海拄杖敲扉偶遶村長憶從游湖上屨孤

山放霽水邊門丹沙姹女營千裏黃月窺人伴一尊此老

風流今未減豫章孤詣試拈論

漁洋有園林半樹景幽偏
豫章孤詣何人解之句蓋

指山谷評摘林
處士梅花句也

次韻黃侍郎餉泉物署曰欠敬蓋沿外官與京官交

際俗例侍郎官臺省豈猶以外官自居耶戲答一首

夏蟲妄土每疑冰醫俗高流破陌塍題比黃柑函百顆和

難白雪閣千層遠投楚菊餐同潔莫遣崔梨世議蒸久矣

先生消內熱不煩帶暑笑徐陵

易實甫改官汭中口占贈行聊發一笑

幽州萬士鈍如椎易子詞鋒箭鏃偕卻溯望衡聽夜讀

庚辰

辛巳閒與君同巷對霤而居然相見極稀子或夜分歸聞君吟諷聲琅然不輟輒欣然駐聽而君不知也其如

靈雨歎晨乖湘中白雲辭紫蓋河上長菱牽溼蘚不須喚起遺山老擷取中州品藻佳

中舍吳君一日見其狂歌燕市旁若無人戲賦此

把酒喧呼狎老兵飄零婁護寄侯鯖迷陽迷陽調楚客負劍負劍笑荆卿略遣風雲策才思起看箕斗撒縱橫長歌一曲狂疏甚已被兒童識姓名

夜與子川吏部入東華門

倘督役伐石蒼山根盤錯試吏事刮掃文字樊譬已作新
嬾職當治盤殮翻懼昔所學實少枝葉繁世議不易排浮
譽亦相扔毀譽俱不眩柴立槁木芘寶刀藏乃瑩絕利守
一源勿以多端歧烹魚去其煩漸漬業乃就振動媒謗言
稍稍養六翮襴襴得孤鶩一雪書生恥治行謝姝暖

呂成公論易恆卦之義以爲立天下之大功必漸漬
膠固然後有成若振動躁擾暫作易輟安能成功此
至言也援此以竊坳古人贈言之誼實甫亦將有以

藥石我乎

寄均甫濟南

海內文筆李

尊譚仲修

施卻似黨辛常別離施子胸羅九邊

略濟南水窟千山奇縱觀河圖括地象已罷竹工槌石菑

君來書云利津挖河之役已歲方閉門讀易

嗟予憊矣卷甲退晚師苦縣甘爲

雌

尊老生日

六十爲郎未厭遲銅駝陌上墊巾宜歸然風節和應寡妙
得天機知者誰鑑曲笠筇追賀老鐵厓樂府冠元詩由來
越國山川逸借取才名重

聖時

猩紅花照鵝黃酒破臘年前已得春晚覺方瞳健勝昔坐

忘帶孔瘦移旬讀穿飢朔三冬史生後髯坡九日身腰腳

明年問何似南郊鳴玉侍祠臣

嘲四圍

此子口微吃故六句及之

憐渠最小未成丁老我陶潛酒一瓶欲遣耕耘報禾絹幾

能雄猛作甯馨未隨宗武催編柵莫學揚雲苦擬經球球

長應依膝下不須歎也相而形

觀蒙莊稱九方歎相南伯子綦之子云云殆以不材

為福邪

夢游富春山中訪紫閣隱者作

突兀溪堂四面霞道人騎鹿餽胡麻扣門挂壁惟巾履西

詩續丁終

澗浮來一片花

安般箬集目錄

詩續戊

損之又損

偶咏虞仲翔事

託興

戲效陸體咏長安早春

崎嶇

題莊中白蒿庵集

歸善鄧公蒙

恩解官養病述一首

卽事

偶見小院巢雅戲賦

兀兀騰騰

綿綿穆穆

漫題

改兒子梁肅句

追感興化先生

伯訥兄枉過茅堂有作

春露園桃將放

題仲弼所藏跨虎仕女圖

清曉行小圃中寓興

續前作

閉關

擬作游仙一首

戒九弟

連日得雨呈括蒼趙先生

寄題里中舊居二首

園中花時招集鄉郡友人寘酒徐戶曹有詩見示因

答和

題畫柏

三月二十八日蕭寺餞別

鄧公瀕行以所乘驢見贈不意驚逸覆車老僕王姓
猝然壓斃於其瘞也哀之以詩

戲書

送西僧華蓋

奉送黃丈典試閩中感時書事有述二章

送夢華

天台藤杖歌

簡繩庵丈

圓枕贊

方牀詩

鼎父所
留坐具

雨後納涼

善果寺

人事不齊

頗饒

蓼花

有一佳書爲友人借觀失手漬水所涴戲咏

秋日過灌畦翁

偶寄栝州山中隱者

龔儀曹同年索和

睡起聞茶沸聲

上蒿隱先生

欲雪

尊老生日

過水月庵有懷姚鏡塘先生

最愛

歲除

善果寺

暹為

安般經集

詩續戊

芳郭鈍安

損之又損 戊子

不向損中求作用卻資何術養神明戒為第一功安隱慈
攝中干物化生傳沫細輿真可翫蛇蚶蝟甲未須盈逃虛
吾欲蓬蒿住茶竈丹壚次第成

偶咏虞仲翔事

大兒疏宕頗相知

謂孔文舉

後鄭精深未可訾腐芥何緣干虎

魄葬簫直欲遣蠅吹解兮未達瘖徒旨

皇甫士安兮守論曰瘖聾之徒天下

之有道者也

詮易翻援祕說詞

虞氏易源出參同許叔重以為祕書說

雖則通人

言終凡
四
猶有蔽卻居流徙不忘規

託興

東方託興代農謳逸翮囚拘不自由下策支離慚祿隱區

中竟墮第三流

楊子法言云聖人高餓羸下祿隱

戲效陸體咏長安早春

幾度金門閱歲華吾生合買醉無涯春聯戶戶車生耳好
語家家戟列牙風引碧簫樓縹渺雪裝瓊藥樹交加奇材
何處韓園卒睡穩花甌聞曙雅

崎嶇

崎嶇世故氣猶全喧處浮游寂處平亦有五岳起方寸時

遊孤鴻揮懦弦朱雀桁駟成底用碧雞坊宅且隨緣把茅
吾欲遺家去一庵昏曉送華顛

題莊中白蒿庵集

別有清孱抱非無隱秀篇前游江岸坂舊業草亭兮氣以
摧傷瑩詞因蕉萃媵諧談起我意隱事託誰箋賦擷蘭陵
筆音流竹屋椽周旋曾款款神理尙緜緜幾翦秋床燭同
浮畫檻船風流渾似夢悵望竹西天

歸善鄧公蒙

恩解官養病述一首

往時諫紙月千張卻掃時聞臥一堂瘴嶠嶠嶇工叱馭中

言終
五
遠飢餓尙亡羊決疣竟換蘿衣去憂國難將藥石忘暫許
羅浮專一壑除書早晚賁林塘

卽事

風壩冰澌晴盪漾碧句林影午參差羈魂暫釋緣光景倦
眼無端困牒移友似向晨星錯珞身如隔日瘧支離莫言
工倚糟邱隱阮籍當年亦自疑

偶見小院巢雅戲賦

結巢戢戢數黃雅障日輕煙似幕遮麇耆已教專腐鼠續
紛復許看麀蝸休疑池上鷓爭粟莫妬江頭鵲啄花栖徧
上林多少樹但令安隱亦何瑕

兀兀騰騰

涪翁晚困編管宜州作堂任運寡欲清修一龜指床蒸泥
出菌文字性存皮膚剝盡騰騰兀兀日用曹溪毋落吾事
運甕灌畦

綿綿穆穆

湘鄉早年一官人海何吳湯邵蜚英競采獨耽閒寂避皦

栖乎屬友署室穆穆

由靜之運以敬為主

綿綿

自喧返宗守靜為潛宗二字本大戴禮

天潛地嗇養乃神閉凍不堅安有陽春

漫題

南枝坼蕾北枝皴城釀嫌甜野釀醅萬有不齊春後物澹

然已足定中身黨枯護朽難醫俗啁鵲遊蠹亦療嗔試策
西郊藤杖去一觀浩蕩物華新

改兒子梁肅句

一雁春庭飛欲下有人危坐撫孤桐偶將太古蕭寥意寫
入清商激越中

三人寘酒對論詩一客無言有所思詩句欲成飛鳥遠綠
蕪斜日樹陰移

追感興化先生

先生示人杜德機丹經電逝見無期未忘將鞵擦偈日永
作芳郭人天師

伯訥兄枉過茅堂有作

涉歷崎嶇氣益平
芒屨竹杖覺身輕
春禽報客珠先噉
山色迎人黛已橫
年輩坐忘容岸幘
登臨有興欲移枰
公眞解縛辭弢徹
我尙挖泥帶水行

犬吠籬根風入松
團焦負郭便疏慵
持榭不待長鬚約
開徑還欣玉趾躋
楚會遣諸生拜槐
里敢云元禮識林
宗杖頭試挂百泉
去同聽西郊晚寺
鐘

春霽園桃將放

春陰著意閣輕雲
桃欲舒紅望易分
任是風狂吹不落
故緣含萼最精神

題仲弢所藏跨虎仕女圖

天風駕泠泠峯陽雲一絲毛女誰喚起橫吹碧參差青林
瑤闕閒凌鞚將何之璆然明月佩解之欲遺誰毋乃畫工
戲寓興七發詞玉笙坐兩頭後庭青蛾眉洞房施錦茵是
伏蹶痿機誰餐礪石散狎虎相抵巇又疑參同家取兌不
用離姤女煉黃芽妙訣容成遺丹成騰汗漫金虎驂素威
二說皆幻想可取摧燒之思惟道勝者見境而不移白虎
爲我瑟蒼龍爲我箠摧落諸外道馴以四威儀三機方電
掣且須守其雌偶現華鬢相蕭然出塵姿神藏藕絲孔氣
攝深叢罷黃子搜祕素渺然健抽思中士嗤捉搦

殷芸仙
小說

眞助擲持吾言亦戲耳試詰無言師

清曉行小圃中寓興

夭桃已落英勁風無留花孤松方含苞潛穎始萌芽彼胡
禮而脆此豈貞而葩化工非汝厚物性其如何窺突遲炊
煙仰觀東溟霞遲遲出林翮似投西澗瀆吾意偶有得陶
然思無邪一笑皆寘之外物吾何訶

續前作

多難膽氣薄出門道阻修豈惟怯遠適兼畏謗與讎收身
鷦鷯窟洞然天人憂草木蟲蛾微縱橫成春秋且欲觀物
化湛冥當林邱敷文自娛戲聊釋世語囚何以酬春光榮

詩經序
八
啟一鹿裘倦來枕白石亦挾葛天遊

閉關

百蟲無可與語只合蕭蕭閉關泥水倘容自蔽何須射獵

南山

擬作游仙一首

河源西界集真仙海色清涼壁月懸一卷夢攜丹漆器幾
人手補蔚藍天東王賜擘虬爲脯西母教裁璽作牋聞道
赤松新著籍丰容升降挾長煙

戒九弟

湍石碎方舟風斤摧木直虛船澹容與社櫟青如織物理

有如斯世穿甯易測欲遣榮趨憂先鉏董梧色

連日得雨呈括蒼趙先生

上已匆匆佳禊過宵來一雨潤園林棠圍珠憶三重珞松
長黃芽幾寸金新漲碧缸塵耳洗閒聽翠鳥道機深放晴
待寘花閒酒判得浮生百榼斟

寄題里中舊居二首

彌望應暢然草樹縈阡陌列簷暖煙火雞犬馴故宅池改
昔時穿花涵前地虬松猶一窗青山幻四時碧遙心依歸
雲積氣鍊營魄漸北隔燕南相望連日夕神傷蓼莪篇園
苔漫行迹縱令遼鶴返哀唳裂厓石何者爲百年千金軀

言紀
九
養客鮮民吾獨存一歎天地窄

晦村及東巖芒屨沾草露紫溪郭文樵石室巖子渡林巒
絕勝處心賞不可遇山魃木魅閒飽汝幽栖趣江流白雲
裏榜繫青楓步兩岸山花紅細雨散如霧我未脫世機歸
盟西崦鷺童稚須講授鄰曲通眷顧下瀝待勤耨丙舍補
封樹吾非慕禽向第欲安吾素已辦書一車將供娛老具

園中花時招集鄉郡友人寘酒徐戶曹有詩見示因

荅和

我本山中人心情漸衰槁隴中花發不得歸頗惜當時好
懷抱碧雞坊頭居幾春輒紅塵土催人老差幸羈栖半畝

園蜂喧坐覺春痕早城西何處不尋春卻惱風光歲歲新
平生故人碧雲暮誰與醉臥花閒茵椽曹衝泥晚歸舍避
俗畏出旁人嗔諸公相看辱注瓦如結鄉社盤橫鱗杯行
到手莫辭醉長繩幾見迴羲輪交柯凝妝鬪妍麗天巧翦
熨珠襦勻頗疑霞散赤城纈餘丹下染仙姝脣又疑造物
慰蕉萃瓔珞張此林園貧斜簪散髻坐籬落開林照耀清
無塵高歌遏雲花片墮有似曲罷青蛾顰秩醜遇蹇世事
促那有清興顛冠巾無功樂丞吏而隱梅朱封事何由陳
對花不省迴舞袖但付流水來沄沄并無好句訓綺序但
把斷簡療飢呻豈期戶曹起我意新什搏控黃騏驎擊鮮

不厭我揆溷相見抉去藩柅真我謂徐君請更酌待珠茁
菌篁生孫我歌君和出金石起視天宇雲鄰鄰

題畫柏

嗟予節行久已惰媿見峻嶒百尺枝始信枯中有生氣冰
霜歷鍊畏人知

三月二十八日蕭寺餞別

稍覺市塵遠旋登香界闢日澹花氣融天光罨金碧寂磬
流空林繁英照瑤席耆彥欣盍簪真賞寄樹石摩挲題名
卷匆匆百年客一片羅浮雲蒼茫將遠適時危眇忠直幽
憂那可釋暫去林野娛一收朝市迹

島索爭方始，予黃運密移。欲一掃氛濛，儒術能已之。達者無繫礙，萬物之宗師。孤行心冥冥，不駮世俗爲求治。慎所積，竭忠良不欺。禍福豈暇擇，聲銷志無涯。君今賦遠遊，軒車來何時。何以戒居者，靖共爾職司。養此徑寸著，其用方靈龜。勿笑一尺捶，自足答羌夷。感君贈處言，留作佩弦資。

鄧公瀕行以所乘驢見贈不意驚逸覆車老僕王姓
猝然壓斃於其痊也哀之以詩

胡爲汝命今晨盡，逸鞚奔車咎孰任。張籍昨方欣得馬，楚人奚止哭亡簪。稠機俄頃真難料，沈魄浮游不可尋。剝啄敲門傷我意，誰如汝慎只霑襟。

韓集有張籍得裴司空馬詩

戲書

強名修道仍耽俗，卻似猩猩酒屐緣。
近愛山陰陸務觀，心行平等得安便。

送西僧華蓋

道人談笑寓兵機，賜紫蒙恩得假歸。
曾仗星文三尺劍，橫穿月暈七重圍。
行經大漠

人羅拜，氣懾陰山馬不肥。
邊寺祝

釐工鎮撫羣胡耕獵讐

皇威

奉送黃文典試閩中感時書事有述二章

健鶻不逢秋鬱律沮剛氣遠輶聊一快冰雪澡腸胃壁去
全趙輕劍來延津慰久闕肺槎牙且辨物涇渭如疏泉萬
斛扶隸傾一漑朱亭三百士公至瘵瘠癩炎洲饒佳橘貢
作金庭味知辦藥囊儲他時筮茅彙取以伸吾志百鷲安
足貴

孤標凌清風旄節衝黃埃使車所蒞處應灑甘雨來疲農
田塈兆三輔旱爲菑丈欲披心胸迴望天門開一陳民疾
苦再陳剗奸回長風不可纜吹送海濤颺借問何所適無
諸釣龍臺雖卽江湖樂猶夢殿浮愚丈乎早迴駕朝論待
奇核

送夢華

時奉使湖南

餘霞閣畔兩支離

丙子冬在秣稜度歲與君同栖道院

上第看君旋摘髭騎

簇仙官方丈節囊收芳杜屈原祠治城交舊稀青眼

中白子高

叔俛嘯山久已宿草桑根老人亦下世未及睹君稽古嶽之榮以慰諸公蕉萃窮經之色追念及之不勝感歎

麓諸生列絳帷終愛割青亭隱去何如經卷忍朝飢

天台藤杖歌

杖兮杖兮其生也艱天台四萬八千丈雲氣時出巖空閒

山霧濛濛神鬼守熊經虎獲天門關丰茸離纒一百尺長

松恠石相緣揆上有懸巖太古雪不化下有石梁飛瀑濺

潺潺兮蝮白鵠集吟歛暎帶篁竹深茅菅蒼官青士拱左

右雷雨倒垂石髮斑何年巧匠妙斫取遂辭瓊臺紫闕流
落于人寰蒼然非生亦非枯倔奇古勁節盤紆緋衣都水
王大夫弢夫贈此杖持示瀨上支離臞時危恨少忠直扶疇侶
道德鉏奸諛頗疑王尊屹立汲黯戇撻龍鱗兮捋虎鬚偉
哉造物於汝厚嚴凝之氣獨與常葩殊厓傾川竭汝僵立
首拄赤城台嶽尻元都堅凝正靜世所仗噤懾夸毗之子
兀若檉株枸嗟予再拜安敢狎亦不欲駭羣兒愚但用日
挂百錢相追逐徧陟人間五嶽真形圖鑄鑱大句詫寒拾
劖泉擔藥窮嬰娛海東霞起坐待赤城曉餐和飲瀼相忘
於江湖

簡繩庵丈

雲浮彈指幾榮枯
雞塞歸來事事殊
蝮蛾王侯真臭腐
筮筵標韻一蕭疎
陳編微管疑今決
聞爲管子作筮
舊業屠龍世笑迂
豈謂閉門無一事
古藤陰下注陰符

圓枕贊

轉輪爲臥輪
無住亦無滯
槁木非槁木
臥游人閒世

方牀詩

鼎父所留坐具

佳人詒我碧藤牀
嶺外音書滯一方
兩處孤雲都入夢
何時夜雨約相望

雨後納涼

坊非履道卻幽偏
雨洗炎蒸得靜便
殘滴猶聞松下響
繁聲已過竹中喧
栖真班嗣耽何物
養性王充述幾篇
詩罷颯然天又雨
殷階琴筑迸流泉

善果寺

道人心明白日靜
坐覺萬籟頻
伽音蒼然閉門竹
色淨漠漠一片苔
花深

人事不齊

茶戶喜霽花房祝
霽浣婢願水淺
汲奴願水深
鵲飢欲入窈雅
渴思出林兒
耆飽睡嬾呻吟
晚臥早起常
差參有月嫌
明無月暗
人來畏聒去
愁瘖熱客
望常調貪
賈囊無金

詩經
爰居無心於饗樂苦遭魯俗來相尋人事不齊有如此一
笑芭蕉豎受此百盜侵荒齋何所有陶器與單衾亦無一
卷素書一弦琴足以陶寫開靈襟祇餘半偈寒山子寂寂
惺惺飽我心

頗饒

頗饒紅皺與黃團所乏湖嵌并瀟碧隸知畏客關三重兒
得吾酒能一石時來窗下作俗書詰屈蛟蛇黠牆壁

蓼花

弱蓼紅初吐亭亭亦絕塵天然瓔珞鬢不厭庾郎貧
有一佳書爲友人借觀失手漬水所澆戲咏

無端篋外通靈畫，忽厄桓元寒具油。卻似姝姿蒙不潔，幾疑蕤簡出荒邱。

秋日過灌畦翁

屋後叢叢翠畦香，蝶不知井上鹿盧臥。蔬甲雨肥時，秋深梨棗熟。丹漆壓簷齷，莫笑支離叟。頽然且策勳。

偶寄枯州山中隱者

枯蒼一峯高，俯視皆培塿。丹邱待逸人，受經江漢叟。榮榮窗下蘭，落落門前柳。陶然游太初，不在飲五斗。青牛道士來，奇方傳肘後。頻出刀圭良，廢疾起簷蔕。人令種一樹，爛漫花滿阜。時有山蜂喧，不須瘖虎守。晴窗見飛瀑，涼翠逼

庭牖一道松花泉
谿砑孔雀口下尋
忘歸臺落剔唐篆
糺山中饒靈異
世外皆秕垢
蝸牛隨意廬
觀物息深黝
活東能作技
潭湫玩蚪蚪
疑年踰古稀
行義炙眾口
有子豐年穀
計偕貢闕右
無慙太邱德
莫測瞿硎壽
欲往叩遺書
鼂生應筆受

龔儀曹同年索和

人海突兀栖一龔
懷中雙橘開笑容
槎凌碧玉晉祠水
袖有紫蓋浯臺峯
曾典山
西試已聞止酒學陶令
復有仙班參秩宗
剝啄叩門百不應
哦詩獨立如蒼松

睡起聞茶沸聲

乍如遠嶺風篁韻復似冰溪咽更揚折足鐺中茶已熟覺
來滿眼是窗光

上蒿隱先生

修門世機溷侏儒龍章鳳姿絕世無先生意度獨眞朴安
雅自足鉉羣愚人中頽然若松峙昏則挾冊窮鉛朱詞微
趣澹不驚俗萬象攝以仙公壺說經妙處精且博爰禮秦
近書皆奴世閒局趣不稱意斗食束縛昂藏軀洞庭西岫
幽絕處波平萬頃霞滿湖水光山色富奇麗石屋洞天開
畫圖把茅尙足蓋頭去況買下瀝供雕菰漁歌牧豎助吟
嘯竹木明淨心魂蘇從容發篋讀書史勝於日力官曹拘

十年深耕鑿古籍名理日茁無荒逋豈如吏困莽涉獵十
不一得償其劬收身名山玉笥裏踵息自抱三淵珠古云
聞善江河決至靜乃與木石俱胡爲錄錄與俗處龍虎徒
絳獵師置追君雙筮興不孤上下林壑窮清娛山精龍女
證息壤知我獨往情非誣先生聞此一撫掌明日招隱歸
來乎

欲雪

溶溶雲勢合微黃罅處凍蟾生一光三兩點花輕著樹無
緣巧借作宮妝

冰池忽訝琉璃地淨處看猶隔一塵卻憶未眠南郭叟燈

昏獨自掩松筠

尊老生日

賀公年輩在臣先吏隱風流史又爭夙證天台採靈藥夢

騎白鹿聽飛泉

君自云前身爲天台中國清寺僧

清談曼衍言皆雅客疾

乘除意自仙記取乾嘉音未沫不煩南董以儒傳

書局齏鹽早接正喬松蒿倚媿胥疏廿年彈指官倉鵲一

笑相响涸陸魚

同治中與公同在書局筮仕又與公同曹

班嗣久思專一壑鄭

君書待榻干檠入山乞

音器

我飛霞佩願傍深甯講學廬

過水月庵有懷姚鏡塘先生

一片空明水月俱枝言春雨灑根株道光朝士狂標格庭

翠今餘柏子無

最愛

最愛西窗兩叢竹
亭亭不受臘雪蕤
風來遠韻金浙瀝
月上疏影玉離筵
現莊嚴相神孤聳
剝淨明心俗未諧
暄寒日夜相蟬代
與之偕逝亦良佳

歲除

晴樹噪寒鵲不覺歲已除
徒淪阮公跡未返班生廬
爆竹聲催老據梧
懽有餘還思下溼舍
盡日帶經鉏

詩續戊終

安般窠集目錄

詩續已

偶書絕句

簡子培

正月十三日舉一女

畫蝶

自嘲

寄仲修三首

聞白雲觀集

偶書

直房小憩

湘翁贈阿育王寺常住田碑卽用于使君范處士唱

和韻奉謝

又惠佚老堂記及米書拓本次前韻

春晚

嘲江荔香入場

咏錄公晝睡

金闕

追懷融齋先生

問嬾病嬾荅云

三兄餉子陵魚寄二絕

題陸放翁先生小像六絕句

新種樹

自署云瀨鄉支離之叟

雜興

陶文沖作擘窠書遺我賦長句爲謝

送松岑南歸省母

送黃公度再遊歐西絕句十首

單學博有詩戒子好用彼教中語次韻答之

天向曙

楸花

十刹海稻田

端午

觀物籜棗花未落

久旱五月十二夜始得雨

王修撰張分巡招陪少詹李文通政黃文蕭寺讌集

時王君將奉使嶺南

戲題苑門外托托壁

華嚴庵中有逃虛子像

寓言

寄鄉信

觀物

訓文道希二首

六言二首

僕性不能書近見鄭太夷所作艸隸洒然異之充其
筆力猶追風之逸足不至懸圃拔桐不止也有贈

雨中移竹

感寓

雨後郊行

與蒿隱子培再同緣督夢華佛青宴集葦灣泛舟觀

荷

又至南觀音寺小憩

送華農典山西試二首

盆池一蓮開四花重跗千葉有異常狀作偈頌云

以詩問仲弼近業何事

倚杖

積雨

送張靄青入蜀

曉霧

里人驅疫

華嚴海

八月十六夜望月

小園

將曉起坐

復葺西齋整理書架連日勞倦拈筆戲述

直晚

池上

夾竹桃

詠史

對月思黃丈

層城

重九前一日作

陶隱居

贈那祠部

戲呈崇員外宋水曹

砭交

哭趙新又太守

座主阿魯特文山先生壽讌詩

又代

送同年高舍人歸杭州兼懷仲修

寄孝達督部師

夜入掖垣同葉吏部作

同宿調何主客用前韻

削迹

孤兒行

夜讀寒山大士集

又

錯用前均

大鑒真空禪師贊

尊客生日

歲闌戲題

既

如

也

亦

如

也

安般文集

詩續已

芳郭鈍叟

偶書絕句

己丑

歸心乘月泛西溪
老屋寒蔬一兩畦
洲畔梅花問消息
橫枝倒浸碧玻璃

鐘度層崖塔影微
漁榔夜半火明磯
弟兄寘酒高樓望
待我橫江一鶴歸

簡子培

古今滯義積拘攣
出匣龍淵一奏鈇
萊子斑衣春更暝
白雲散吏傲如仙
盧師巖畔應穿築
退谷亭前好接聯
試覘

蠶耕深處隱西山佳氣壓幽燕

君久居北便習之嘗語予云前一歸禾中無田廬可

依輒復思北故云爾

正月十三日舉一女

試燈風暝長蘭芽繡襪新
綳小阿茶且喜向平心事早消
搖閒過十年賒

畫蝶

惟蟲今始信能天天上張星語帶禪
適適秦宮花底浯蘧蘧莊舄窳中仙
前身園客迷離繭詩境清明淡沱煙閒洒
生綃工粉墨卻愁春老柳飛綿

自嘲

昔時王昶字文舒張昶兼聞妙草書張字與王同一卷牀頭捫

老帶數行筆陣壓羊裾伯英迴授臨池未新息還期戒子

如吾欲其閒資以老青林黃卷足逃虛

寄仲修三首

春回湖上赤華房詞筆陰何老更狂南垞幾叢寒玉護東

城一道菜花香衙官才壓杭兼厲草隸源融魏與梁君與稼孫

論書具有微解勇蛻解龜成獨往新添紫氣斗牛旁

眠子疲犢溺春泥幾負湖塼碧艸萋何似銷沈文字海一

生謝客首長低選詞巧匠神芻狗君方續迦陵陳氏医衍集載酒春山

聽竹雞可許相招數晨夕竹窻割與小雲栖

莊戴錙張蠹落盡

中白子高彥清叔俛嘯山

譚公應亦入霜髭猶能楚

調烏棲曲絕妙吳趨白紵詞短簿予今隱油幕長安君笑

戰枯碁舊游如夢憑誰說愁絕還鄉江總持

聞白雲觀集

春人一半在城陰來者穰穰訪道林誰識君家池上樂融

融春柳動鳴禽

偶書

老去心情依淨土吟詩蹇淺不成邦王侯螻蟻看俄化一笑區中有底忙

直房小憩

拳窩窄窄銚生煙漸近窗光欲曙天卻似扁舟宿深葦曉
來風定一鷗眠

湘翁贈唐重建阿育王寺常住田碑卽用于使君范

處士唱和韻奉謝

文字縟兼雄瓊椎倖得公風流大和歲韻事赤華宮石閱
煙雲劫情開匿衍中使君行幘跡花發舊山紅

又惠佚老堂記及米書拓本次前韻

名蹟殷勤護搜奇竟屬公隸差肩北海

記爲張樗寮書極似李北海竇逸人

碑

艸亦妙南宮島索揮持際星霜俯仰中

開慶己未理宗之卅五年也是

年蒙古憲宗殂于合州何如老賀監狂瀉荔支紅
釣魚山下次年世祖立

春晚

春晚東園花未開
餘寒料峭燕遲來
問春何處光風早
細草攢茸綠掩苔

嘲江荔香入場

莫嫌寒乞柳條筐
舞袖迴風定勝場
倚樹名憎吳質僻
試官紅勒卻須防

咏錄公晝睡

銅魚早啟戴星寒
仗散趨牙日半竿
風味依稀似貧士
曲肱一枕入台觀

虛堂龜息浩無聲
窗外鉤輶一鳥鳴
不放市塵塵午枕
夢

中幾局費推枰

金闕

金闕瓊臺弱水西
蔥籠翕輶與雲齊
諸天法曲霏花雨
上界仙經降紫泥
石壁敲紅開錦繡
池光浮暝樂鳧鷖
白雲杯祝無量壽
大藥神丹捧一圭

追懷融齋先生

講筵闐寂館壇蕪
玩索遺言魯一儒
北極雲浮似車蓋
南來衣法不枝梧
撫華自昔揚雄嘆
守嘿誰爲元晏徒
蕭寺蒼落尋履迹
試拈水月客知乎

道光中先生官都下時僑長春禪寺

問嬾病嬾答云

言終已
九
藜牀黃卷兩支離

用荆公婦病詩意

乞告無期病有期答我芭蕉

原不實淨名一卷信心持

三兄餉子陵魚寄二絕

雞因劉子成仙去魚以嚴翁浪得名想逐琴高薦春網江樓歸對食鱗橫

微於白小細於毛未足尊前佐濁醪惆悵吾兄招隱意枉拋南食就腥臊

題陸放翁先生小像六絕句

我家瀟灑桐廬郡管領於今倘得公便作州民挂冠去不辭黃獨餉干叢

伐胡鏃騎蹋河冰病挽黃閒老尙能南渡君臣負公意餘
生只合臥花塍

老來祠祿覩田廛八十山陰雪泛船還似蜀游疏氣象摩

訶池上海棠顛像從蜀刻石本重摹

抱牘牙參畏吏嗔鍛餘鸞翮暫須馴府公何幸得學士度

外能容岸角巾

公有詩云平生膽氣薄不敢犯張禹有時一言失恐

懼氣如縷念此思挂冠白首冀安處公平生亦苦作

吏之蕭然疲役耶淳熙乙未公年已五十餘參議蜀

軍府遇故人范至能來為帥不以僚佐束縛相得殊

言
權未二年范卽去然則遇佳府公亦偶然耶

牛欄春社那辭貧飮輒茶甘老此身詩格不須分宋蕝風
流未遠義熙人

邱壑憐予著未宜媿公瀟散出塵姿樵風依舊溪光好未
忘青鞵布韞期

新種樹

定從淨社劖芳根移入官園性厭喧似語風前木芍藥我
耽村落爾朱門

其二

根株未固那能妍兀傲槎牙似散仙了鳥舞衣誰一顧狂

來獨自柘枝顛

自署云瀨鄉支離之叟

新銜莫笑支離叟久竹蟲生亦有天
遲我白雲源裏墅挂來綠玉杖頭錢
園官夢蝶常當晝屬國看羊那計年
時一中之老徐邈不知清濁竟誰賢

雜興

不到西郊古刹鹿應頭上生枝

松兒不識鹿角謂是頭插老樹枝剝落古

碑無字惟餘落沒穹龜

花日黃沙刮地早來蒼耳將枯人生十事九蹇況值荒年
大無

吏散歸來獨坐綠陰如幕當牕無端驚破幽寂異鵲穿林
一雙

一片靈臺清瑩世故環攻不訾卻似昆侖寒玉龕沙大石
磨治

陶文沖作擘窠書遺我賦長句爲謝

隱居滅景華陽洞草隸驚人勢欲仙法乳久隨巖石泐雲
孫今得枕函傳井闌復出梁干劫筆冢潛擘越一塵虛辱
夜光投闇士卻慙故步滯鬻罽

送松岑南歸省母

君子所居鄉盜牛還守劍請看郇根矩薄俗遼東砭上谷

亦羸壤雄邊財俠贍酒帶馬漣腥巫紛雞骨占頻年龍伯
高講壇花爛爛不鄙夷諸生指畫忘倦厭冷然天風吹清
明掃昏墊剔除榛莽翳泐濯桃李灑諸生亦安雅如眇水
注漑椎鈍化鮮瑩鵬鴉膏拭沾思親服嶺南周磐食難饜
飄然辭精廬擔囊歷行店袖有塞外春士無朝茵艷千人
送自厓器業後當諛君粗畢嫁事函箸多可槩迹屯名理
超神茂真觀斂行不儋石攜饒益無所欠曙觀牛斗南海
氣浮天激舊來歲星精將燭西樵牧羨君衣斑連春酒一
卮釀幅巾期登堂共飯他時忝

送黃公度再遊歐西絕句十首

行徧扶桑東復東碧幢又引上空桐駟談九大洲非幻都
入編排日譜中

匿有東瀛國別書發凡辨體子元如陋他島索輕南北事

緯年經意不疏

君纂日本國志翔實有體

直須壓到吾鄰鏡夷亶文人斂手推始信山川能說者林
牙爭重老劉才

嶺南不獨生丹橘海外從看舞白題佛說西牛貨洲好漢

家戊尉十年栖

爲舊金山領事最久

金穴中郎工摸金豈知國計恤疲黔仍將本富蠶耕重莫

得其皮枉用心

墨利加人最重農事

翁山兀兀二樵崎嶇雅飄姚不可追今得泓崢蕭瑟手正
音一洗嶺南詩

孺初伯訥兩孤標說士期君器後彫卻望南雲深不見海
山何處訪團瓢

蹙然訪我碧雞坊漫叟於今漫作郎稍待時清長揖去與
君挂席水雲鄉

芋賦能令狎眾狙蘭闥彈指到羣胡指攜卽廡閒談笑絕
倒壺邱攝鄭巫

故人持節大秦西

同年叔
芸星使

又送新知捧紫泥蒼海不波川

嶽靜始知

言系
三
廟略舞干齊

單學博有詩戒予好用彼教中語次韻答之

蹇劣惟應慕館壇迂疏雅稱習台觀盤飧不洎悲三釜餅
智何曾效一官賴有名言肱守墨幸依學舍得攀韓先生
箴我膏肓疾誤食從教卻馬肝

諸男總不耽紙筆賴有名師棒喝存掃徑煩公能正讀連
牆與走契無言偶觀西笑敷碁局共醉南窻臥竹根此卽
雩風沂浴興知時善點得真源

晚來經籍廢鑽孳旣乏資糧又不專池受天光同一淨月
移花影懺諸緣何方煮玉癭詩病豈任鞭鸞作散仙急望

雨甘露足後郊西習射控黃肩

天向曙

海色蒼涼欲曙天
栖烏將子度郊煙
人間亦有蒙園吏
龜息虛堂自在眠

楸花

楸花一樹氣掣椽
伴我東園醉後吟
縱不諧時堪自媚
翦成綵勝卷風林

十刹海稻田

點綴江村景象幽
不知近在曲江頭
無邊瑩淨圍方罫
隔岸樓陰漾碧流

端午

不看競渡固陵濤十二朱明旅望勞卻見內家方角糴青
絲箬裹秬新淘

觀物籜棗花未落

翛然仍不改清陰細細圓花鏤似金深媿物情如此厚未
秋常以實爲心

久旱五月十二夜始得雨

潭底龍慵抱寶眠祠官玉冊屢投淵林端忽覺珠跳集簷
際如聞石瀨濺焦穀應蘇青玉穎瘦篁旋引翠虬鞭天心
最恤疲農苦遶郭朝看萬竈煙

王修撰張分巡招陪少詹李丈通政黃丈蕭寺讌集

時王君將奉使嶺南

城西饒古刹相望一牛鳴勝集名藍敞虛堂眾綠生流連
蘭渚禊洒落竹林英梵放諸天寂鐘殘遠壑盈東京李郭
舊南極箭金并道論龜毛析樞言繭蛹精層霽碧樹閣落
景紺園明應候蒲初茁忘機鴿不驚止觀瞻荀淨銜使少
蓬行宋人呼祕監待泛瀕陽峽迴看此日情

戲題苑門外托托壁

眾集則有枯折患澹然獨與神明居騰騰一刹那閒睡刺
齒搏梁總不如

言經已
三
華嚴庵中有逃虛子像

北郭十友之一鱗仇家卷中艸入神

仇山村詩卷道衍有跋

翠微山

寺栖不穩翻現畏佳世法身

寓言

惑恠俱未泯趣無滄洲逸既乖隱豹姿復媿屠龍術雨歇
徑含清歲儉林稀實真觀遲融釋浮陰生客疾遠巒垞霧
淨近梵空潮出縹緲寄沈思暫懽憂若失

寄鄉信

山園久別翳荒榛猶幸幾家荆樹春竹嶼潮來村酒熟
船樓下待歸人

觀物

敗葉雨化蝶濺荷風眩珠將心無所住觀物駛何如

訓文道希二首

昔河閒苗夔戲謂拄腹淹貫九千文而不能換一鳳
閣舍人羊肚錠今豫章文君摘髭得之哀然居首乃
以爲臭腐苴芥欲拂衣棄去而遯迹於南山之霧夫
古之達人刳魯猶皮捐魏若梗注瓦得之奚足私慶
而世人乃營營於一鼠之腐一狔之祝治痔五乘橫
帶萬釘以天下之美爲在己其賢不肖相去何遠哉
鷦翔而羅者視藪鼈繫而甕天可游物性之殊固不

言
可強且天下之士惟能博靜澹泊超然聲利之外乃
足以畜德修業操著鏡而決疑滯彼智效一官者惡
足與謀康世屯哉君將幅巾南歸栖息雲笈呼吸六
氣於彼寬閑寥廓之野斂其志行伐材取實以應時
須蓋知所先務矣顧辱索下走贈言因綴以詩走墮
落世語久矣又何足以副君之意耶

扶疏未盡豫章奇小中驚人示戟支爛漫吞匈九雲夢滑
稽貯腹一鳴夷歸心忽動蘿衣興塵爵何堪劍璫吹廬阜
靚深雲似海待鑿山石寫雄詞

委沙搏翼帝京篇役役誰能以德全殺摠會須諮靜者蟬

螭何暇議松年誅茅佳處真堪隱釋地編成莫浪傳已乞

一車元晏賜杜門歸去抱三淵

君方艸西
域釋地

六言二首

蟻貴槐安夢沸蝸休茅壁涎昏楚失齊甯爲得凡亡荆亦
何存

颯颯雨絲成陣庭翻蕉葉琤瑤撩起十年愁緒無眠迸入
聲聲

僕性不能書近見鄭太夷所作艸隸洒然異之充其
筆力猶追風之逸足不至懸圃扳桐不止也有贈

不知今何世煙霏覩奇字翩如藐姑人竟體冰雪異沖融

言終已
含勁健古劍藏鋒利昔傳檄愈風今見書破睡清瑩萬丈
澗寒玉巧匠致鍦之雲十絲風棱夏蟲避名藍非永欣局
閣運精思含吐捐故菝環紆出新意蒼枯藤絡松阻日危
峯閣上栖瞿矧叟人跡不可至風塵撼孤標物外暢遠寄
觀君三淵靜固寇心已醉

雨中移竹

幽人野服來庭戶不損龍孫翠一鱗畚雨霏微資薄潤捐
簷淖約著長身造門已得揚雲老逃谷新招鄭子眞逸我
便爲林下客垣衣蛛網一時新

感寓

處已惟慎獨涉世良寡諧湛濁閱危言心如溼黠灰眷言
藥石師毅魄青山隈孤學漸歧誤節行亦以積羣靈龍虵
蟄陽德何時回元生戒圓曲直木又爲災道與世交喪詘
信難自裁所以柴桑翁東皋復歸來焉知身後名但付掌
中杯

青牛涉流沙龍象震迦維冥彼萬有迹攝以四威儀超然
眾物母皎潔無言師能處蕨若淨能履嶮如夷凌儕資獨
往常欲不能溜抱朴外篇藻練神明者勝業貴自知魏書釋志二塗

雖云異殊欲往從之冷然駕天風青瑯驂素威曾遇異人
授白織蓋心訣葺茅萬仞厓採芝天山雪至樂規有寄鴻

濛離言說

雨後郊行

散泉迸竹復穿沙
繁吹新添一部蛙
卻似竹西江岸路
野塘飛鴨入蘆花

與蒿隱子培再同緣督夢華佛青宴集葦灣泛舟觀

荷

嚴居士又老龍吉幾度南池載酒迴

昔與鹿溪松岑屢同游此瓜蔓水

剛三伏半竹根筵爲七人開
繁花團似紅嫌雪濃酒傾如
綠玉醅絕勝昆明度雲錦
野塘寂寂祇鷗來

蘋花風起盪輕舟
殘暑將闌已帶秋
莊惠從來適濠上
鳧

魚與我樂天游鴻頭一斛珠論價竹實當籬玉更抽俱是
江南未歸客荒灣一曲定堪求

又至南觀音寺小憩

金刹何年遺突兀殘僧自汲水擔薪能留茗椀浮花乳更
剝落衣讀翠珉失道身疑蒼耳入繙經手觸白魚新諸君
喜問楞伽字我欲忘言禮應眞

送華農典山西試二首

朱幡引向藐姑深石上松抽碧似參天遣徐陵工采擷人
如班禱隔飛沈晉祠乳水醜寒玉閻氏潛邱出碎金洗滌
山川作佳趣爲除榛翳露遙岑

城南出祖借池臺日暮碧雲猶未來積雨疲車難出淖散

筵華月已窺杯

頃與蒿隱子培夢華餞別筵已闌而君始至

清談不廢樵蘇爨

香飯何須寶積迴但煮寒泉秋菊味澆君懷抱一時開

盆池一蓮開四花重跗千葉有異常狀作偈頌云

花色微塵外三生白業緣諸根無染著何處覓花身

寂照色耶空斷際無開落中應舍一淨不受諸塵縛

淨亦無所著花光次第新四花參五葉一性證三身

開時彈指翠墮亦不著衣一箇游蜂過知無所得歸

無世出世法無花亦無葉拄杖看圓池水淨荷帖帖

以詩問仲弢近業何事

不獨永嘉學兼喜永嘉禪永嘉多勝流清輝被山川所居
塗雖局塵鞅缺周旋遙知西窻下潭思易乎研道心無磷
溜世事日摧遷開子社櫟槁眞妄兩希捐

倚杖

倚杖看暮色叢林燈火微須臾疏鐘動飢熟一僧歸

積雨

滿院栽葵蓼沈沈一窻綠積雨少人來喜得逃空谷

送張靄青入蜀

杜曲卜鄰成一村姜家布被知奇溫忽騎瘦馬入西蜀相
看祖帳出東門摩訶池上剖符竹畏兀村邊憶酒尊乖厓

言紀二
定有發硯手他日傳霖猶灌園

事見宋史
張詠傳

曉霧

蓬萊清淺霧濛濛風引迴舟極望中姑射人如隔煙語率

陀天似有梯通瓊臺侍史繙眞誥

謂錢子密
王蒿隱

碧海仙槎出

葦叢欲叩洞庭張樂地扶桑稍辨早霞紅

里人驅疫

愧非庚楚所居墟疢癘猶煩走里巫揚盾執戈憑汝逐誦
經禮懺挾僧俱迂辛莫對松醪悶剛卯還垂楫佩紆且喜
傳芭紛士女夕陽簫鼓聒潛夫

華嚴海

曲江荷花一萬柄。何似華嚴海色涼。仙人只用合丹鼎。水伯因之貢玉堂。細草茸茸洲島出。疏松沈沈鐘漏長。閻浮眾生多疾苦。應須覓取藥師方。

八月十六夜望月

草樹靜無風。清瑩挂碧銅。入林光炯碎。敲杖興迴融。忽憶秀峯下。蕭寥壇宇空。咸豐己庚閒與亡兄義庭讀書處青楓孤昔賞。積鬢

禿如翁

小園

習靜養空惟小園。鷹呼鵲啁不聞喧。塵勞淄淄融眞觀。世議紛紛寢濁煩。礫硤病篁蒸出笋。便娟風葉倦依根。句文

言經已
三
結習芟難淨漫欲捐書七祖門

將曉起坐

槐夢誰先覺窗前漠漠陰嗒然方隱几涼雨墮空林

復葺西齋整理書架連日勞倦拈筆戲述

薄宦半白生無長物自慰吏役失真性清俸償瘖癩大半
耗買書叢殘吾所貴寒令妻孥暝飽每魚鼠乞先生若不
聞陵暴困萬彙以滌世緣惡如索諫果味昨遭雨敗屋穿
漏蒸霉氣油素厄狼籍黴積黯如藪石搨尤所愛摩挲梁
塵蕪連朝督獠奴排比篇第既經年架櫝壞支柱艱位寘
疲勞鶴啄糧拂拭蟬奪餼坐消一日光汗流三伏沸奴譏

主人拙癖此誰供，屏吾視亡羊。均所得苦猶未年，長道未聞忤俗喉。觸諱無能古人役，徒邁今人誹得失。不相償奴言發深歎，萬事況靡常。多藏皆可畏，榜懲子孫鬻平泉。復何謂不如師苦縣，甚愛戒大費。翛然捐書游無爲，神所襪

直晚

雨後槐街罨溼煙，連雲官閣靜。緜緜投雅稍，向空枝泊遷。蟻紆從蘚壁穿，城旦司空何。日了林間翁孺背，時妍比來災異誰陳說。卻望更生奏一篇。

池上

清絕池光朝淡沱，蕭然林影午參差。

用姚鏡塘先生句

無人解賞

東園景只有丁令老鶴知

夾竹桃

非桃復非竹疑葉又疑花合是菴羅種休將度索誇彈將
湘水淚散入武陵霞材豈堪爲杖江斐莫漫嗟

詠史

千年閑是復閑非堪笑迂儒浪刺譏何似張蒼隱柱下卻
能倚伏洞三機

對月思黃丈

丈人玉立氣高寒四海危難一枕安惟有松梢一片月伴
公疏影酒杯寬

層城

層城歌吹殷春雷曲罷雲飛夜舉杯蒼鶻妝成都講促火
城明處錄公來芙蓉幔隱花枝笑竹節丹和玉色醅燭炮
參橫人半醉不知何處桂宮災

此刺時
之作

重九前一日作

天機局人事冗秩未超嗟病阻登臨興喧逃文字禪牆陰
蒼鼠語籬角晚花然目送南鴻去羈栖又一年

陶隱居

近愛陶宏景松風築閣牢鑄刀名善勝禮塔懺塵勞逸筆
雲崩石方書藥漬醪茆山不須駐隱或寄微曹

言類
贈那祠部

住十刹海

家住浮幢一海邊
霜風乍捲半湖蓮
金貂換去惟耽酒
曹馬牽來屢舞仙
曉入天扉依御仗
暮歸戚里散輕煙
聯翩記取今重九
正爾樨黃菊綠天

戲呈崇員外宋水曹

東闕逶迤遶未央
青林綴露閃珠芒
天河澹澹星欲沒
桂觀沈沈漏正長
何似喬仝隨賀亢
也應瘦杜和聱郎
真成柱下方書隱
抱牘參差雁鷺行

砭交

寂寥張伯松
笑謝陳遵規
家貧斷來客
諷書借一鴟
嵇阮

性韻別鍛何樂而疲。不如兵廚醉山澤。澹忘歸惠施。說萬物嚇莊莊。獻譏鮑叔德。夷吾卜相管。沮之相與无。相與素交古如斯。指趣各有適。鳧鶴不相訾。奈何末俗訛。好惡相傾欺。同己生毛羽。異則瘡痍滋。邈然不可卽。清風生遠陂。

哭趙新又太守

手書猶省字。聯綿物化俄。驚倍黯然湖。上昔曾辭鷓賦。廣

川何遽夢蛇年。

君權冀州七月閒。尙得手告抄所作齒落。詩相示短紙細書似神明甚茂。乃一病不

起竟卒官所此不可解也

種桑屋老今歸瘞。規杜書成定可傳。劉峻報

箋餘涕淚神傷空。壠劍徒懸

座主阿魯特文山先生壽讌詩

威鳳儀卷阿。楓稜有餘。絢喬松鬱輪囷。巨棟含元殿。堂堂

豕宰公耆德冠邦彥。七葉金貂緒三策。天人選靈根茁重

穎。泛蕙光風善魏科。三百年輝映景星見。椒掖首崇班介

圭。專席讌作輔翼。璇樞奇稔逾絳縣。閎通簿國計簡要

汰銓揀敷。歷玉帳符冰。徼靖傳箭元舅鎮。陪都德弭萑

蒲。變邊毗頌耕桑清介。謝攀援歸然倚勳舊。澹泊去健羨

抽簪獨樂園。頤性止足傳薊州穿芳谷公有別業制作極樸陋公平萬頃陂

澄渌絕泥澱。國人睇再出霖雨灑芳甸。

盛代宴千叟。朝論望大儒。導源良峰公正學。良非迂伊

雒。輔微緒湯陸識夷塗。如聞魯齋許高正。得安圖公受學倭文端

公贊成至元治翼亮佐廟謨豈惟山澤儀度與謝公符栖
息九流表震盪萬物蘇學治融一源作用管桑殊藥言鎮
薄俗名理鏡世模欣逢甲子周春灑松醪壺長生老復丁
梨棗顏迴朱錫羨天章爛賜筵太官廚乞言國三老
靈壽中涓扶以光總章禮用鈇稽古徒區區負牆賜隳摺
慙社樗願言珥金管名德頌愉愉

又代

天章銜出濯龍門錫羨三朝德望尊往日祕書嘗賜副
他時梯几更蒙恩韋平遠業擘經術伊雒微言見本源情
議交推人第一晚棲綠野色逾溫

詩續已
小築名園獨樂宜。還如迂叟退居時。耆英洛社三公望。砥
柱中流萬士儀。椒掖內宣霑玉醴。金閨通籍到瓊枝。具瞻
再出清寰宇。溫國風規警遠夷。

又代

峻望清標世所稀。紫裘試奏鶴南飛。九重錫羨加耆舊。

三老祈言拜令徽。廟略動詒靈壽棊。園棲漫試薜蘿衣。他

時再起陪經幄。帝鑑圖成佐萬機。

荆峴梁村有辦香。豈惟曖曖內含光。澄銓不數戎兼楷。公

官吏部侍郎尚書整頓銓法雖兄弟戚姬典計羞稱筦與

不稍假借墨吏望風斂迹人不敢懷徼倖桑心學良峯傳一峽手栽芳峪綠。千章祇慙社櫟無裨補。

未逐青芝入藥囊

又代

確慎書傳派不殊

謂唐鏡海先生

平生所得味經腴澤宮待拜周

三老邛杖欣扶魯一儒竹閣齏鹽類寒素松牕圖史入鉛

朱栖真心在穿芳谷何用平泉石百株

深衣卻掃一蕭然誰識峨峨冠進賢風節清夷垂汗竹習
仁融釋養丹田道尊豈藉雲霄貴世濁焉知松鶴年迴源
臨邊舊時績早應圖書入凌煙

又代

金貂七葉嬪韋平公雅耽儒以道鳴興慶內班三獨坐靈

光祕殿一耆英早傳董相萬言策曾典
陪京八校兵身
退榜堂宜綠野不須吐納自長生

胸襟雪淨養沖融和氣春暄萬卉同家
讌長庚輝霽月及
門小艸沐春風一生憂樂關天下廿考
迴翔冠侍中我願
東山望霖雨嶽雲灑潤作時豐

又代

華堂梨棗發丹顏秩冠乾隆千叟班
覽揆喜鄰元晦日銘
功應勒浚稽山夢爭王室神常泰手
校羣經意未閒梯几
中朝諮掌故仙筇靈壽看頻頻

清門世德冠神州射策東堂第一流
早嬗韋平傳舊業壯

從伊雒慕前修露臺抗疏迴

天意

同治末議修園公三上疏諫止

定煙

閣圖形佐廟謀那識金張椒掖貴依然儒素卅年裘

平生熟讀敬齋箴主一為師世所欽

公榜退食所居曰主一之室

典選

吏疑冰上履澄懷月照霽時襟木蘭毗有耕桑樂

熱河圍場墾地

久無定議後得劃清界限行圍無碍毗安耕作公之力也

元菟邊無杼鼓音身退都忘

為將相鑪熏一炷布銘衾

波斯射利眩干場片語廷爭賴激揚

洋人欲開官銀行致官私利權籠中國之

財操其輕重內外已有成約下廷臣集議公時長戶部力言其害爭之甚力事遂寢

心寄林泉謝文

靖道存匡濟魯靈光會徵高允虛前席何幸彭宣謁後堂

猶憶隨軺江介日紫裘腰遂喜傳觴

詩續已
送同年高舍人歸杭州兼懷仲修

窗光漠漠雲飛去幾點林雅
杳朝霧忽念故人當別離青
山一髮西湖路我昔湖邊舊
釣磯卅年風塵溜素衣石牀
泉流如碧玉當時種松今十
圍聞君築閣南屏徑吸取全
湖洲島勝著書飲水足忘老
落日時聞煙裏磬拂衣歸去
辭京洛日笑丹經臥雲壑富
春楓老幾回青海上查還水
方落卻憶化書譚逸人棄官
全得水雲身與君相對清如
鵠媿我爰居猶苦辛

寄孝達督部師

嶺海頻年締造辛譴訶終望荷

溫綸并無惹苾珠堪載未有蒲桃酒遣人囊底羞稱樗里
智腹中差畏正方鱗不如宴坐九華夕隱去陽明只幅巾
夜入掖垣同葉吏部作

嚴霜同往日華東放仗千門月正中一日呂安將叔夜八

年社燕伴秋鴻幾時突兀班心立往迹翩躚殿角風

前借君考

御史是日大風酷寒試看御河橋畔樹寒心未肯改春融

同宿調何主客用前韻

與君同落樊籠裏酒母官廚時一中莎榻曾經躡高鳳

己卯

年與君同巷而居

皋橋甚欲去梁鴻枯棊颯颯真忘世龕燭微微

不受風不爲君胡久留此謝公佳處在能融

削迹

江令已去清溪曲

荔鄉歸數月矣

半年不到東園中狂來掃壁作

章艸驚起落霞隨斷鴻久傷俗流蹇淺語安得一榻羲皇

風阮公削迹良有爲醉倒物外天融融

孤兒行

背負者何仰天突兀青琉璃疏星如石何纍纍足履者何
地蕃艸木百卉滋海爲血脈山爲皮天私我耶昭昭乎日
月鑑我毛髮地私我耶育育乎漱礪飲而飢舖糜嗟彼橫
目之民猗交食乎地交樂乎天無適而非親猗言笑晏晏
承懽顏猗捭豚燔黍奉昏晨猗三命之芻芻猗遼乎其亡

垠猗風生百蟲之蠓蠓猗猶得各私其所天猗胡畀我乎
靈丁愁苦食息墮蜉獨爲有天地而亡父母之窮人猗無
所於歸還猗繄萬物之皆妍猗命胡獨我磳猗

夜讀寒山大士集

得道者如麻竹葦經聲洶湧波濤中亦有奔蜂化藿蠋試
拈弦索送歸鴻道人手未落塵尾倦僕頭已觸屏風塊然
槃特亡一句燈花爆落茶毘融

又 錯用前均

課芽焦穀還生穎點雪紅鑪幾度融聖諦非真亦非妄厲
言憐目又憐風欲知兀兀騰騰趣只在蕭蕭黯黯中把似

世人渾不識枉於泥爪覓飛鴻

大鑒真空禪師贊

上根性猛利足下生龍象
蹋殺四魔軍并敵摧一嚮
壘枯丈室中萬籟瘖不鳴
言則一法立彌空風雷生
照亦無所照寂亦無所寂
寒月臨冰池道人坐看壁

尊客生日

詆宕三朝粉署郎
沈洋適志故難量
豨苓雞癰俄衰旺
楚屨凡弓孰在亡
閱世長安真似弈
迂時中散不嫌狂
看君素髮迴成黑
未用烏麻續曬方

歲闌戲題

又逢島佛祭詩期疲吏形骸癩樹枝拄杖鏗然震吾魄何

句狂歌市上知者誰憂時強聒甯為智逃世陽瘖亦一奇

還仗晚松寒竹興新昌儻宅已粗治

白樂天詩云晚松寒竹新昌第

初

不

如

退

溫河市圖書院